

閒居集卷下



閒居雜錄卷下

竹柏山房編

示詳圖

植物

新書

書

人家種樹惟栽竹四畔青翠不惟生旺且無俗氣東種桃柳西種柘榆南種梅棗北種杏杏為吉中門種槐三世昌盛屋後種榆百鬼退藏庭前勿種桐妨碍主人翁屋內不可多種芭蕉久而生崇堂前宜種石榴多嗣大吉桑樹勿種門前青草多愁怨門外垂楊更有妨

地理新書

凡欲松偃蓋栽時當去松中大根惟留四旁鬚根則無不偃蓋

遞齋閒覽

閒居雜錄卷下

凡樹木身曲者宜以刀斲割其凹處則逐漸長直

古今祕苑

種竹無時但連陰中種之皆活又五月十三及十八栽必活

多能

鄙事

種竹如要不開年不出筍用本命日謂正月一日二月二日也

種樹書

正月一日二月二日三月三日皆可種竹無不活者

農政全書

八月初八為竹醉日種竹易活

山家清事

八月十八日謂之

潮日種竹易活

月令

凡種竹八月初八及每月二十若遇

雨皆可移

花鏡

續麻骨插竹圍四向竹不沿出芝麻骨亦

可

物類相感志

禁竹根穿過階砌用皂莢刺埋土中障之則

止欲引竹過牆者竹根所及處理死貓或狸即過

多能鄙事



近竹根處潑羊湯亦能引竹過牆須知

竹有雌雄雌者多筍凡欲識雌雄當自根上第一枝觀之

雙枝是雌卽出筍獨枝者是雄種樹書引志林

竹多年者則生米而死急截去離地三尺許花鏡曰初生時取大者一

根截上止留下三四尺通去節以犬糞灌之則餘竹不生米物類相感志

六月斫竹不蛀農政全書

正月自朔暨晦可移諸樹竹漆桐梓松柏雜木惟有果實

者及望而止過十五日則果實少四民月令

凡樹老以鍾乳末和泥於根上揭去皮抹之樹復茂古今祕苑

正月諸色果木樹芽未生之時於根旁掘土寬深將根截

去留四邊亂根勿動用土覆蓋築合堅實則結果肥大勝

插接者謂之駟樹便民圖纂

凡種諸果於三月上旬取直好枝如姆指大長五尺插大

芋或大蘿蔔無菁中種之皆活三年後成樹全勝種核

凡果望前種者多子望後種則子少多能鄙事

木生於寅壯於丁午長於丙老於戌死於申惡於壬癸忌

於乙丑凡種樹木以生長壯日種者多實老惡死日種者

薄收忌日種者傷敗用成收滿平定日爲佳陰陽書

元日五更以火把照果木等樹則無蟲桑樹亦然以刀斧斑駁

敲打樹身則結實必多名曰嫁樹家塾事親

嫁李法正月一日或十五日以磚著李樹歧中令實繁又

臘月中以杖微打歧間正月時日復打之亦足子也齊民要術

李樹如少實於元旦五更將火把四面照看謂之嫁李當

年便生花鏡雄木多不結實鑿方寸穴取雌木填之則結

實人生須知銀杏不結子於雌柯鑿一孔入雄樹木一塊以

泥塗之便生子物類相感志社日春百果樹下則皆結子不

落多能鄙事橘樹遇旱以米泔水澆則實不損落根下埋死

鼠則結實加倍花鏡枇杷春月用本色肥枝接過則實大

而核小若再接一次則無核矣花鏡凡柑橘樹生蠹取蟻

窠置其上自去多能鄙事凡百果樹中蟲其孔用杉木釘釘

之節絕同上生人髮掛果樹鳥鳥不敢食其實大清外術桃

樹過春以刀疎斫之則穰出而不蛀種樹書桃樹枝柯生

黑小蟲用多年木燈檠掛於中紛紛墜下癸辛雜識桃子若

生蟲以煮猪首淡汁洽澆之自無花鏡槐樹生蟲插鼓於

下則盡落七修類稿芝蔴柴掛樹上無蓑衣蟲物類相感志臘

月二十四日種楊樹不生蟲種樹書夏至取菊為灰止小

麥蠹歲時記臘雪密封陰處數十年亦不壞用水浸五穀

種則耐旱不生蟲本草綱目種蘿蔔宜沙墾地五月犁五六

徧六月六日種鋤不厭多稠即少種種樹書葫蘆照水種

白正 冬瓜蔓上午時用苔帚打之則生多 蒲萄樹用

閒居雜錄卷下

麝香入其皮則蒲萄盡作香味

物類相感志

以桑樹接楊梅

則不酸如樹生癩以甘草削釘釘之即愈

鏡花

凡花果瓜俱忌麝及衣香之類宜栽蒜薤辟之花被麝香

觸者用雄黃和艾於上風燒之即解

多能鄙事

花果樹木若

經孝子孕婦手折則數年不著花或不甚結實 鑿果樹

納少許鍾乳末則子多而且美

人生須知

自正月以終季夏不可伐木必生蠹蟲或曰其月無壬子

日以上旬伐之雖春夏不蠹猶有剖析開解之害又犯時

令非急無伐十一月伐竹木

四民月令

春分前栽蓮則花出葉上

農桑通訣

種蓮法用五月二十日

園居雜錄卷下

四

移深種蓮柄長者以竹木挾之無不活者

種樹書

法將老蓮實裝入卵殼中令雞母同子抱候子雞出取天

門冬搗末和泥安置盆內將蓮實摩穿其頭種之花開如

錢大亦一弄巧之道也

花鏡

桐油入水池荷死

又云油紙燈入荷池

江茶入水池菱枯

物類相感志

牛骨置池中水不涸

種蘭去土用水煇炭屑種之

物類相感志

蘭根香甜蟻

最喜食須置一淺盆坐水使蟻不得渡蘭蝨用魚腥水洒

之或研大蒜和水或蚌水以白筆蘸之拂洗葉上數次則

蝨自無矣

鏡花

立春若是子日即於茄根上接牡丹花不

出一月即爛漫

種樹書

正月下旬牡丹根下有抽白芽者

卽合削去花必巨麗謂之打剝根下宿草亦時芸之牡丹

牡丹根下放白朮諸般顏色皆是腰金物類相感志 白牡丹

丹以紫草汁沃其根則變紫以紅花汁沃其根則變紅生

須知 八月十五日為牡丹生日宜分移花譜 八月十五夜

女人手下鴛粟子明年花盛花譜 九月九日種鴛粟花盛

羣芳譜 冬青樹上接梅則開酒墨梅物類相感志 桑接梨則脆

而甘梅接桃大而脆接李紅而甘桃接杏則大桃接李則

紅而甘人生須知 木樨接於石榴樹上其花卽成丹桂花謝

後摘去其蒂可發二次花鏡 凡插瑞香者於芒種日折其

枝枝下破開用大麥一粒置於其中並用亂髮纏之插於

土中勿令見日日以水澆灌之無不活癸辛雜識 鳳仙花欲

合再開但將子逐旋摘去則又生花物類相感志 花鏡

其蒂則開之不已 花紅者合白以硫黃燒烟熏蓋子蓋花則白

物類相感志 春花已半開者用刀剪下卽插之蘿蔔上却以

花盆用土種之時時澆溉異時花過則根已生矣癸辛雜識

取將開玉簪裝鉛粉在內以線縛其口合乾婦人用以傅

面經宿尙香花鏡 梅花半開時清旦連蒂取入磁瓶每兩

炒鹽一兩灑之勿用手澆以厚紙數重密封置陰處次年

春夏用時先用蜜少許於盞底上以花二三朵傾入滾湯

卽開鮮香名暗香湯月令廣義 十日後用竹刀取欲開梅蕊

閨居雜錄卷下

上蘸以蠟投會岳中夏月以熱湯就盞泡之花卽綻香可

愛也山家清供茉莉花以雞屎壅之則盛海棠於冬至日早

晨以糟水澆其根則花鮮茂凡花用馬糞浸水澆之卽開

多能養荷花用溫湯入瓶中以紙蒙了以花削尖簪之

則花開且久 養牡丹芍藥梔子並刮去皮火燒以鹽擦

之插花瓶中或用滾湯插之亦開物類相感志折牡丹插瓶

先燒斷處鏽蠟封之可貯數日不萎或用蜜養更妙芍藥

亦然花鏡插梅每旦當刺以湯插芙蓉當以沸湯閉以葉

少頃插蓮花當先花而後水插梔子當削枝而搥破插芍

藥牡丹及蜀葵萱草之類皆當燒枝則盡開澄懷錄海棠

閒居雜錄卷下

六

花用薄荷水浸之則開物類相感志水仙鹹水養小慧集

槿為瘡子花五月小兒忌弄之犯者病千方

花樹蟲孔以硫黃末塞之 木樨蛀者用芝麻梗帶殼束

懸樹上物類相感志薔薇樹如有蟲以前銀鋪中爐灰撒之

則蟲自死 茉莉根下生蟻灌以烏頭冷湯卽無花鏡 菜

生蟲以泥礬煎水沃之自死多能鄙事

道家種芝法每以糯米飯搗爛加雄黃鹿頭血包曝乾冬

節候冬至日埋於土中自出或灌藥入老樹腐爛處來年

雷雨後卽可得各色靈芝花鏡

用桂樹木屑溲磚階內則不生草古今祕苑

藥物

正月上寅日取雀瓢草末三合用絳囊盛掛帳中能辟疫

雀瓢卽女青也肘後方立春後庚子日宜溫蔓菁汁合家

並服不拘多少可除瘟疫遵生八箋柘木洗目合明二月初

二日煎湯溫洗自寅至亥乃止海上方

三月辰日以絹袋盛麩掛當風處中暑者以水調服濟世仁術

三月採桃花未開藥陰乾與桑椹子和臙月猪油塗禿瘡

神效遵生八牋穀雨日採茶炒藏能治痰嗽及療百病熱疾

居家宜忌三月二日收桃葉晒乾搗末並井花水服一錢治

心痛遵生八牋三月三日以及上除采柳絮可以愈瘡四民月令

閑居雜錄卷下

腰脊作痛三月三日取桃花一斗一升并華水三斗麩六

斗米六斗炊熟如常釀酒每服一升日三服神良千金方

三月三日取羊齒燒灰治小兒羊癩寒熱遵生八牋

章陸根味酸有毒三月八日採一名逐邪一名天草一名

逐陰之精此神草也去三蟲殺伏尸雲笈七籤

夏至日採無花果治咽喉歲時雜記夏至以李核為囊帶之

云療瘧吳郡志重午日午時有雨則急斫一竹竹節中必

有神水漚取和獺肝為丸治心塊腹聚等病金門歲時雜記

五月五日收蝦蟆能治瘡疾又治小兒疳物類相感志

五月五日取蟾蜍可合惡疽瘡取東行螻蛄治婦難產四民

月令○螻蛄一
作蝮卽蝦蟆

五日採莧菜加馬齒莧為末等分產婦

服之易產人生須知

五日清晨取白礬一塊自早晒至晚收

之百蟲咬傷以些少塗之卽止又能消毒人生須知

午日取赤白葵花陰乾治婦人赤帶用紅者白帶用白者

為末以酒下一錢日再服不旬日效故名葵花酒又名赤

白酒集驗方○五日取葵子微妙為末患淋者食前溫酒服一錢立愈

端午日取葑菜

搗汁和石灰搗熟為餅敷鎗刀傷血立止卽骨破亦可合

奇效香祖筆記

午日收青蒿搗和石灰午時丸收治金瘡立

效集驗方

午日采車前子陰乾為末酒下久服輕身能跳

越岸谷耐老長生長生略

午日采藜藿草為末一名雞腸

閩唐雜錄卷下

八

草凡齒痛熱酒擦之立效經驗方

五日午時采蒼耳心葉

釀酒一切風證飲之大效救急方

午日取桃仁百個去皮

尖斫細入黃丹三錢以黃蠟丸桐子大瘡發日面北用井

花水或酒吞下五九大人或用十九修時忌婦人雞犬博濟

方 病目者午日以榴花盛紅絹中拭目棄之謂代其病

也博濟

五日采稀簽草去根花並子淨用莖葉九蒸九

晒層層洒酒與蜜水製之至極香擣羅為末蜜丸如皂角

子大名稀簽毬每服二十個隨增減以米湯下治周身癰

瘰癧痰諸證口眼喎斜久臥不起並皆治之又明目黑髮

強健筋力效不盡述或六月六日七月七日八月八日九

月九日修合俱可

救民易方

五日取鯉魚枕骨燒灰服治久

痢大效

合月

午日取晚蠶蛾入竹筒塞之自死乾過竹木

等刺入肉以此研末津塗立出

集驗方

中風牙關緊閉者

五日午時以冰片天南星合研細屑遇病以指蘸擦大牙

左右二三十擦口自能開

救民方

五月二十日采小蒜曝

乾治小兒丹痧又治心煩痛解諸毒

簡便方

六月六日清晨汲井華水以白鹽淘於水中用新鍋復煎

作鹽擦牙每日擦畢漱吐手心洗眼日日如此雖老夜能

細書 是日以烏蘭子同麪炒黃等分爲散收貯凡水瀉

食傷百病以米飲調服二錢

月合廣義

六月六日日未出時

閒居雜錄卷下

九

汲井水用磁罌盛之入王瓜一條黃蠟封口四十九日則

瓜已化盡水清如故用以洗熱毒丹瘤之類神效飲之亦

可解熱病

張太岳雜著

芙蓉服食駐顏太清草木方七月七

日採蓮花七分八月八日采根八分九月九日采實九分

陰乾搗篩每服方寸匕温酒調服

本草綱目

秋采甘菊花貯

以紅碁布囊作枕用能清頭目去邪穢

澄懷錄

蟬花二川

山中皆有之如蟬之不蛻者至秋則花其頭長一二寸黃

碧色治小兒瘰癧又能已瘡

益部方物略記

七月七日收黃葵用香油浸貯治湯火效

月合

七日取槐

子搗絞汁於銅器曝二十日煎膏丸黍米大納肛門日三

換治痔及百種瘡

家整事親

七日取百合根熟搗用新瓦器

盛之密封於門內陰乾百日拔去白鬚髮用此擦卽生黑

矣

合月

七日採慎火花苗葉五兩鹽三兩同搗絞汁治熱

毒並小兒痘疹不出在皮膚內者以此汁手蘸摩之日再

卽出丹瘡亦如此治法

月令事宜

八月一日作五明囊盛取百草頭露洗目目明

述征記

八月朔晨以瓦器於草頭收露濃磨墨頭疼者點太陽穴

勞瘵者點膏肓謂之天灸

田家五行

於中秋前後用無五倍

新青布一二疋扯作十餘段每段四五尺繫於長竹上如

旗樣五更時於百草頭上荷葉稻田上尤佳先用細竹一

閒居雜錄卷下

十

根掠去草上蛛網乃用青布展取草露水展濕卽絞在桶

中視青布色淡則另換新布陽光一見則不展所取露水

用淨磁罐盛貯澄數日自清晚間用男乳一酒杯約一兩

半白蜂蜜一酒盞人參湯一酒盞參須上不等不拘四五分

同乳總入一宮碗內將露水一飯碗攪人宮碗共得七八

分和勻以綿紙封口用碟蓋好次日五更燒開水二大碗

將宮碗內露隔湯炖熟睡醒時緩緩服之藍所以殺蟲露

去諸經之火參補氣乳補血蜜潤肺治一切虛損勞證有

奇驗

或云取露水分爲十八碗作三次服每服六碗入

人參湯五分冬蜜人乳各一鍾煎溫服久老而益健

易居

錄

中秋日剪壺盧鬚如環子脚者陰乾於除夜煎湯浴

小兒則可免出痘經方九日採太乙餘糧久服不饑輕

身本草九月九日白菊花二筋茯苓一筋並搗羅爲末每

服二錢温酒調下或以煉松脂爲丸雞子大每服一九久

服令人好顏色不老太清靈寶方

十月上巳日取槐子去皮納新瓶中封口二七月初服一

枚再服二枚日加一枚至十日又從一枚起終而復始令

人可夜讀書圖經本草決明子主青盲又療唇口青色十月

十日採乾百日可服遵生八箋

臘月初一日取猪膽不拘大小五六枚用黃連青黛薄荷

問居雜錄卷下

十一

僵蠶白礬朴硝各五錢裝入膽內青紙包了將地掘一孔

方深各一尺以竹橫懸此膽在內以物蓋定候立春日取

出待風吹去膽皮青紙研末蜜收喉風閉塞每吹少許神

驗邵真人經方臘八日宰生兔取血和蕎麥麴粉炊熟調白

糖小兒未出痘者每服三錢開水冲服此稀痘上上神方

屢試屢效 臘八日收鱖魚燒存性研散治小兒癩疹不

出用酒調服卽發更懸置廁上不生諸蟲農桑撮要

井口邊草主小兒夜啼著母臥薦下勿令知之船底苔瘵

天行真婦藁薦草節去小兒霍亂自縊死繩主顛狂太清外術

故牕紙治鼻衄物類相感志骨鯁用犬涎澀込用鶩鴨涎無

弗愈者皆以意推也

養病
畏筆

蜘蛛網纏贅疣七日銷爛屢有驗

續博物志

早起嗽口水嚥下久之能治偏墜試之良驗

張太岳
雜著

閒居雜錄卷下

七

厭法

物類志曰將斧潛於姪婦牀下斫之必生男試將斧於雌雞欲卵時可驗也舊有佩雄黃精衣冠照井之說亦與胎教同其意耳無意中呼姪者回頭過戶限視其左右以知

男女物理小識

初覺有姪取弓弩弦縛婦人腰下滿百日去之此紫宮玉女祕法也又三月以前取雄雞尾尖上毛三莖潛安婦人臥席下或取夫髮及手指甲潛安臥席下勿令人知之驗姪未滿三月著婿衣冠平旦左繞井三匝面映影而去勿反顧勿令人知見必生男人生須知

閒居雜錄卷下

三

取龜左骸骨環而帶之子孫聰明智慧感應類從志

埋婦人髮於竈前令婦人安夫家又取他人髮埋竈前令

人不怒恒喜 取逃人衣服井中垂運之則逃人自思歸

本草曰有人逃走取其髮於縛車上却轉之則迷亂不知所適 以甌帶麻作線縫奴婢

衣脊縫一尺六寸即無逃走之心 以婦人月水布燒作

灰婦人來即取少許置門閭門限婦人即留連不能去

以月水布喂蝦蟆於廁前入地一尺五寸許即令婦人不

妒忌感應類從志 蝎虎血雄犬精三錢二釐調硃砂點女人

臂上與人交媾過即滅

硃砂蜜陀僧乾胭脂三件等分爲細末蝙蝠血調點女人

肉上卽成血點但與人交合卽去

古今秘苑

守宮塗臍婦人無子其法取守宮一枚置囊中及蛇衣以

新布密裹之懸於陰處百日治守宮蛇衣分等以唾和之

塗婦人臍磨令溫卽無子矣

淮南畢萬術

杜羔妻趙氏每歲

午日午時取夜合花置枕中羔稍不樂輒取少許入酒合

婢送飲羔卽歡然當時婦人爭效之

津逮祕書

五月五日遇雨則取天落水磨硃砂寫一龍字如錢大明

年若又雨更取天落水磨墨寫一龍字二字合作一小團

婦人難產以乳香湯吞之生出男左女右手中握字團卽

下如次年無雨前字無用矣每年須寫百字以濟人

月令廣義

閒居雜錄卷下

十四

五月五日取蠅虎蟲以刺血用硃砂牛羊脂食之令其腹

赤乃取爲末少許塗人臂卽有文章揩拭不去男女合歸

卽滅漢武以驗宮人曰守宮

感應類從志

俚巫多能持呪語而蹈湯火其呪云龍樹王如來授吾行

持北方壬癸禁火大法龍樹王如來吾是北方壬癸水收

斲天下火星辰千里火星辰必降急急如律令呪畢手握

眞武印吹之卽用少許冷水洗雖火燒手足成瘡亦可療

治湯火傷無不立差見夷堅志

凡有官符懼懼害者但帶犀角刀子俯伏搢訣其法左手

中指第三節橫文以大指爪搢之而密誦呪曰吉中吉迎

成律提中有律隨阿婆迦阿如是七徧可免於難若無犀

角以象牙刀子代之亦可極驗

池北偶談

凡人死而未解脫者用西天三藏法師金總持釋迦往
生真言或爲語之或爲書之無不獲應其一曰唵牟尼摩
賀牟那曳莎賀其二曰唵逸啼律呢婆不訶其三曰唵侶

呢律呢婆縛訶

同辛集

王彥威在汴州夏旱時袁王傳季玘寓汴因宴王以旱爲
言季醉曰欲雨甚易耳可求蛇醫四頭十石甕二枚每甕
實以水浮二蛇醫以木蓋密泥之分置於閒處甕前後設
席燒香選小兒十歲已下十餘合執小青竹晝夜更擊其

開居雜錄卷下

五

甕不得小轍王如言試之一日兩夜雨大注舊說龍與蛇

師爲親家焉

西陽雜俎

董江都請雨法 令縣邑以水日令民禱社家祀門暴巫

至九日無舉火事煎金器聚蛇八

或謂蜥蜴

日於邑西門之外

爲四通之壇方九尺植白繒九其神太昊祭以桐木魚玄

酒具清酒膊脯擇巫之清潔辯言辭利者以祝齋三日服

白衣先再拜乃跪陳陳已復再拜乃起祝曰昊天生五穀

以養人今五穀病旱恐不成實敬陳清酒膊脯再拜請雨

雨幸大樹奉牲以庚辛日爲大白龍一長九丈居中央爲

小龍八各長四丈五尺於西方皆西向其間相去九尺取

鰥寡者九人皆齋三日服白衣而舞之司馬亦齋三日衣
白衣而立之諸里社通之於閭外之溝取五蝦蟆錯置社
中池池方九尺深一尺置水蝦蟆焉具清酒膊脯祝齋三
日服白衣拜跪陳祝如初取三歲雄雞三歲豕皆燔之
於四通神宇令民闔邑南門置水其外開北門具老豕猪
一置於里北門之外市中亦置一豕猪聞鼓聲皆燒猪尾
取死人骨埋之開山淵積薪而燔之決通道橋之壅塞不
行者幸而得雨以猪一酒鹽黍財足以茅爲席毋斷四時
皆以水日爲龍必取潔土爲之結蓋龍成而發之四時皆
以庚子之日令吏民夫婦皆偈處凡求雨之大體丈夫欲

閒居雜錄卷下

六

藏匿女子欲和而樂

七修類稿

辟蠱法

凡在旅中飲食先默念呪七徧其毒不行呪曰

姑蘇啄磨耶啄吾知蠱毒生四角父是穹窿窮母是含耶

女眷屬百萬千吾今悉知汝摩訶薩摩訶薩又法每遇所

到處念藥王萬福七徧亦驗

證治準繩

常念道家九天生神章釋教佛頂心陀羅尼經可解難產

庚堅志

治難產法

用杏仁一枚一邊書日字一邊書月

字用蜜粘住外用熬蜜爲丸滾水或酒吞下

此異僧所傳見露書

又法蓮花一瓣書一人字吞之卽易生 又法將紅全帖

寫年家眷弟

現任本府名姓

頓首拜不令人知置產婦牀天花板

上立刻分娩甚驗 婦人臨產用黃紙朱書禹王敬啟四字貼帳帷吉 婦人難產用白雞母刺一盆置房內則產 但此樹被穢後卽枯宜多栽以救人

兒生墜地不啼擊水瓢迫貓兒叫卽啼 曰旁人呼其父 名父應兒卽啼兒語遲取鵲所蹋枝鞭兒卽語

物理小識

小兒夜啼以明鏡掛牀脚上自不啼 又以白雄雞毛不令他人看見安放席下自止

治小兒夜啼字號 當餅寫紙上貼脚心

小兒好食泥炭等物 黃紙朱書 尙魁 字化灰用使君

子湯服

閒居雜錄卷下

七

小兒斷乳畫眉丹 山梔三個煨 雄黃硃砂輕粉黃丹各

分 共爲細末用生麻油調勻候兒熟睡勿令知覺以新筆

蘸藥畫兒兩眉毛上醒來自然不思乳食塗三四次奇效 又方遠志細辛山柰各等分共爲細末入人乳調搽眉

上男左女右二次卽斷不可洗去

治婦人叱乳字號 當餅寫紙上燒灰服之貼之效

治魚骨哽法 以倒流水半盞先問其人使之應吸其氣 入口中面東誦元亨利貞七徧吸氣入水飲少許卽差

文

治無名腫毒字號 研墨呢千千切首萬萬剪形魔

無干犯鬼無妖精三界百護五方常清此間土地神之最

社壇餘胙酒治小兒語遲納口中佳又以噴屋四角辟蚊

子本草拾遺

見垂釣布網者虔心默誦揭諦呪七徧終日無

獲見捕魚鳥者默念南無寶勝如來七聲魚鳥可脫人

須知癸酉辛酉日藏物人不能知同

酉陽雜俎載骰子呪曰伊帝彌帝彌揭羅帝誦至十萬遍

則六子皆隨呼而轉試之或驗或不驗大抵篤信之則誠

誠則必動姑試之則不誠不誠則不動凡持鍊之術莫不

如是非獨此呪爲然矣槐西雜志

戲法

取曾青十觔燒之以水灌其地雲起如山雲矣曾青為藥

令人不老淮南畢萬術

分至日取水儲之後七日輒生物如雲母狀仇池筆記

溪中水沫取起合乾為末入湯中即冷而不沸感志物類相

艾納出西域似細艾又松樹皮上綠衣亦名艾納以之和

合諸香焚之能聚其煙青白不散奸人多假以為仙七修類稿

以大鏡長竿上懸之向下便照耀四鄰當鏡下以一盆水

坐見四鄰出入 取迴風草插頭上令人顧見四尸之事

迴風即旋風也 取黑犬皮毛並白鶴左翼剪燒之揚鶴

閨房雜錄卷下

三

即風生揚犬即風止感應類從志

呵鏡子以津唾畫鏡合乾呵鏡自見 鴨蛋以鋼砂畫花

及寫字候乾以頭髮灰汁洗之則黃直透內福苑云將牛膽汁寫字於

生鴨蛋上候乾煮熟去殼 雞子開小竅去黃白了入露

水又以油紙糊了日中晒之可以自升起離地三四尺

唾津抹蝴蝶翅則當空高飛物類相感志 午日取蜻蜓首正

中門埋之皆成青珠博雅○博物志作埋於西向戶下三日

置蝨於青草葉上經宿露露則化為青蟲飛去雞肋編

用好沒藥一塊周圍抹杯口將酒斟滿過杯一分酒不出

也秘苑作用無名異磨盡口

以盆覆寒食飯於暗室地上入夏悉化為蜘蛛

酉陽雜俎

五月五日取蠅虎杵碎拌豆自踴躍可以擊蠅

四月令

瑞雲香毬 酸棗仁一升水和研汁一碗煎成膏附子

白芷各三兩白檀茅香艾納香

卽松木上青苔衣也

草豆蔻丁香各

一兩木香五錢龍腦一錢右爲末以酸棗仁膏搜和入熟

蜜和勻杵令不粘手得所爲丸蓮子大每燒一九青烟直

上三尺許結成毬子於空中移時不散

必用

大石灰一塊埋於雪中灰見雪則化將酒壺放在雪上少

頃便熱可飲客也

古今秘苑

占驗

期三百有六旬有六日其說當以今歲立春數至來歲立
春恰三百六十有六日試取百中經考驗殊無差者

游宦紀聞

欲知每歲逐月旦日是何甲子但取九年前次月望日即
是後九年前一月旦日毫髮無差乃知數學有捷法亦一

端也

游宦紀聞

推立春歌括云今歲先知來歲春但隔五日三時辰謂如

今年是甲子日子時立春則明年合是己巳日卯時立春

輟耕錄 諺云欲知明年閏但看冬至餘其法以本年十一

月冬至日數至三十日止凡得幾日無論大小建總再以

閒居雜錄卷下

五

所得之數按月計之自十一月數至明年某月與所得日

數相符止即知閏在某月如今年十一月二十六日冬至

自二十六至三十日凡得五日即以五為例自十一月計

至明年三月為數亦五知明年閏在三月也

夏至後第三庚為初伏四庚為中伏該第五庚為末伏而

或在第六庚者末伏必在立秋後也

人身血氣與十二時相應以髮絲繫錢一枚手拈懸碗中

少頃自爾動搖不已敲碗幾聲即知是何時刻丑初一聲

丑正二聲寅初三聲寅正四聲以次遞加至午正則十二

聲自未初復一聲至子正復十二聲雖鐘表不過也方敲

時雖有間斷而動搖不斷至不敲則自停搖屢驗不爽

每歲農人占厯有三滿斗以為大稔

占雜

秤土炭二物使輕重等懸室中天時雨則炭重天晴則炭

輕感應類

從志

置雉尾以候陰晴天晴則尾直豎天將雨則尾垂

人生須知

雲起下散四野滿目如煙如霧名曰風花主風起

田家五行

天河中有黑雲生謂之河作堰又謂之黑豬渡河黑雲對

起相接亘天謂之女作橋雲下濶又謂之合羅陣皆主大

雨立至少頃必作滿天陣名通界雨言廣濶普遍也

同上

水邊經行聞得水有香氣主雨水驟至極驗或聞水腥氣

亦然

田家五行

閨居雜錄卷下

五

占雨諺云雲行東雨無蹤雲行西馬踐泥雲行南雨潺湲

雲行北一場黑 雲籠日雨不止雲起西南必多雨自東

南無雨自東北多風雨風愈急雨愈連綿自西北必黑如

潑墨先大風而後雨終易晴 早年若見遠處雲生或自

西引而東或自東引而西必主無雨諺云早年只怕沿江

跳 諺云一個星保夜晴言久雨天陰晚間但見一兩個

星此夜必晴又云明星照濕土來朝依舊雨言久雨正當

黃昏卒然雲開見星豈但明日有雨當夜亦未必晴若夜

半後雲開雨止星月朗然則又主晴無疑 常以戊申日

候日入時日上有冠雲不問大小黑者雨大青者雨小

日下有黑氣如覆船主雨日始出及欲入黑雲冒之不出

三日有暴雨 新月下有雲橫截主來日雨諺云初三月

下有橫雲初四日裡雨翻盆羣芳譜

候月知雨多少入月一日二日三日月色赤黃者其月少

雨月色青者其月多師曠占 凡候雨以晦朔望雲漢

四塞者皆當雨如斗牛輒當暴雨有異雲如水牛不三日

大雨黑雲如羣羊奔如飛鳥五日必雨雲如浮船皆雨北

斗獨有雲不五日大雨四望見青白雲名曰天寒之雲雨

徵蒼黑雲細如杼軸蔽日月五日必雨雲如兩人持鼓持

閑居雜錄卷下

桴皆為暴雨易飛候

候雨法有黑雲如一匹帛于日中即日大雨二匹為二日

三匹為三日京房風角要訣 每月朔一日管上旬二日管中旬

三日管下旬月色青黑潤明是旬有雨若黃赤乾枯則旬

中無雨雜占 上旬交月雨謂朔日之雨也主月內多雨興下

田家 志 二十五日謂之月交日有雨主久陰田家雜占 二十

七日最宜晴諺曰交月無過廿七晴田家五行 月盡無雨則

來月初必有風雨田家五行 俗諺云逢庚雙變遇甲即晴蓋

逢庚於雙日則變遇甲於雙日則晴多驗浩然齋抄 變逢戊必晴久晴逢

戊雨久雨望庚晴

不拘四時暴風起西方主秋早霜諺云東風急備蓑笠風急雲起愈急必雨雨後東北風主雨多諺云東北風雨天公夏天北風主雨冬天南風主雪諺云冬南夏北有風便雨 朱鼈浮於波上必有大雨學芳

夜間聽九道遙鳥叫卜風雨諺云一聲風二聲雨三聲四聲斷風雨 喫鷓鴣叫主晴俗謂之賣蓑衣 鷓鴣仰鳴則

晴俯鳴則雨 母雞背負雞雛謂之雞跔兒主雨 蚯蚓

俗名曲蟮朝出晴暮出雨 鵲巢低主水高主旱田家五行

四時占雨下忌日春丁卯夏辛卯秋乙卯冬癸卯周益公日記

壬子日春雨人無食夏雨牛無食秋雨魚無食冬雨鳥無

食田家雜占

閑居雜錄卷下

三

董仲舒曰陰陽之氣上薄爲雨純陽用事未夏至一日是

純陰用事未冬至一日是當不雨有則妖也春甲子雨赤

地千里或曰赤當作尺謂行者苦雨夏甲子雨乘船入市田家五行作春雨甲子乘

船入市夏雨甲子赤地千里 秋甲子雨禾頭生耳冬甲子雨牛羊凍死

諺云甲子日陰晴六十日凡占以初甲子羣芳譜○說楮曰甲子逢單日

爲雄雙日爲雌雌 四季甲子日雨皆主雨多甲子日晴

主兩月內多晴尋常極驗羣芳譜

甲申雨米暴貴春穀不收夏主傷田禾秋六畜死冬人病

多閭人遇四時甲申雨必閉糴占候

諺云甲申猶自可乙酉愁殺人更逢壬子雨相牽作久陰
范成大詩自注云吳農忌五月甲申乙酉雨
雨則大水諺云甲申猶自可乙酉怕殺我

春已卯風樹頭空夏已卯風禾頭空秋已卯風水裡空冬
己卯風闌裡空占候

發雷喜甲子日主大熟秋雷忌甲子日主人多暑死歲大
凶初發聲微和主季內吉猛烈多凶羣芳譜

風單日起者單日止雙日起者雙日止日裡起者善夜間
起者毒日內息者和冬月夜半息者必大凍 西南風早

起至晚必靜諺曰西南早日沒不動草按近日西南風略
急便作雨每晚轉東南必晴諺云朝西暮東正早天公

閉居雜錄卷下

天

凡風終日至晚必稍息諺云暴風不終朝凡夜間大風日
出之時必略靜謂風讓日諺云日出三竿不急便覺 虹
俗名蠶東蠶晴西蠶雨語云東出日頭西出雨南見刀兵
北太平 虹食雨主晴雨食虹主雨 雷自夜起必至連

陰諺云一夜起雷三日雨 雷聲猛烈者雨雖大易過若
殷殷然沈響卒未得晴 卯前雷主有雨打頭雷主無雨

諺云未雨先雷船去步歸 電在南主久晴在北主便雨
諺云南閃千年北閃眼前 五鼓忽雨日中必晴諺云雨

打五更日晒水坑 晏雨難晴俗謂之黃昏雨諺云開門
風閉門雨 久雨雲黑忽然明亮主大雨諺云亮一亮下

一丈久雨後若午後少住或可望晴若午前少住午後雨必多諺云雨住午下無數 雨著水面上有浮泡主卒未晴諺云一點雨一個釘下到來朝也不晴 陰天占晴諺云朝看頂穿暮要四脚懸又云朝看東南暮看西北西北但晴無雨諺云西北赤好晒麥 霞如墨洒來日午時大雨霞如牛臥來日辰時大雨霞如蛇狀主人民饑饉羣芳譜 諺云朝霞暮霞無水煎茶主旱此言久晴之霞也朝霞不出市暮霞走千里此皆言雨後乍晴之霞暮霞若有火焰形而乾紅者非但主晴必主久旱之兆朝霞雨後午有定雨無疑或是晴天晡夜雖無今朝忽有則要看顏色斷之

閒居雜錄卷下

无

乾紅主晴間有褐色主雨滿天謂之霞得過主晴霞不過

主雨若西方有浮雲稍厚雨當立止田家五行

日出早雨日出晏晴老農云此言久陰之餘夜雨連旦正

當天明之際雲忽一掃而捲即日光出所以言早少刻必雨言晏者日出之後雲晏開也必晴蓋日之出入自有定

刻實無早晏也農政全書

早間日珥狂風即起申後日珥明日有雨一珥單日兩珥

雙起廣輿圖

蜻蜓亂飛主雨蜘蛛添絲晴甲水雨蠓飛礎雨鳩呼婦晴

逐婦雨鵲浴風鵲浴雨八歌浴斷風雨羣芳譜

上元無雨多春旱清明無雨少黃梅夏至無雲三伏熱重

陽無雨一冬晴

田家五行

春風多秋雨必多諺云一場春風對一場秋雨

羣芳譜

諺云春風踏脚報言易轉方如人傳報不停脚也一云既

吹一日南風必還一日北風報答也二說俱應

田家五行

春雷初起其音格格霹靂者所謂雄雷旱氣也其鳴依依

音不大霹靂者謂之雌雷水氣也

師曠占

春辰巳日雨蝗蟲食禾稼

師曠占

正月三日田公笑嚇嚇西北人諺曰要宜麥見三白

朝野僉載

吳諺云正月逢三亥湖田變成海謂大水也若有三亥而

開居雜錄卷下

三

一亥在立春前者不妨

視聽抄

月內有三卯宜豆無則早種禾

月內有三子葉少蠶多

無三子則葉多蠶少

東方朔占書

占桑葉貴賤只看正月上

旬木在十日則為蠶食一葉為甚貴木在九日則為蠶食

九葉為甚賤

陶朱公書

正月上旬雨穀貴一倍中旬雨穀貴十倍甲乙日雨春雨

多丙丁戊己夏雨多庚辛秋雨多壬癸冬雨多四時但遇

此日必雨一日有風雨三月穀貴初甲申至己丑庚寅至

癸巳雨主糴貴甲寅乙卯雨夏穀貴上旬先得丙寅夏

雨多戊寅秋雨多壬寅冬雨多上旬雨卯穀貴一倍中旬

兩卯穀貴十倍 正月甲日東風蠶旺南風旱米貴西風
春夏米貴桑賤北風澇東北風大熟東南風禾麥小熟西
北風水桑賤西南風春夏米貴蠶不利 正月東方青雲
人病多雨赤雲春旱白雲八月旱黑雲春多雨南方赤雲
夏旱米貴上甲日西方黃雲歲惡 正月雷鳴爲失時主
疾疫不收應所發之方 立春後不宜雪諺云臘雪是被
春雪是鬼言爲麥之害也 正月雪至地三日內卽化歲
成人安七日不消秋穀不成 羣芳譜

正月上旬稱水卜十二月之水旱初二日起用一瓦瓶每
朝取水稱之重則雨多輕則雨少初一日占正月初二占

開居雜錄卷下

二月餘做此 陶朱公書

立春在殘年主冬暖諺云兩春合一冬無被暖烘烘 陶朱公書

凡元日立春主民大安諺云百年難遇歲朝春 通考

立春晴明少雲歲熟陰則蟲傷禾豆 立竿野中量日影

一尺大饑旱二尺赤地千里三尺旱四尺五尺低田收六

尺大收七尺次收八尺澇九尺一丈大水 羣芳譜 立春天

陰無風民安蠶麥百倍東風吉人民安果穀盛 臚仙占 又

西風爲虛邪風中之必病如夜半至無害 羣芳譜 立春後

遇火日落雪則後一百二十日必有疾風驟雨謂之雪報

正月朔日晴主人安國泰歲豐寇息牲旺三日內無風雨

而陰和不見日色主一歲大美 正月朔日雨大旱雪吉

諺云難拜年易種田又曰一日晴一年豐一日雨一年歉

元旦四方有黃雲卽爲熟青爲蝗赤爲旱白爲兵蒼色

麥熟東井上有雲歲澇宜耕高田山田 正旦大風主旱

無風夏田不熟禾黍小貴微陰東北風主大熟諺云歲朝

東北五禾大熟歷年經驗餘說皆譌壬癸亥子之方謂之

水門其方風來主大水諺云歲旦西北風大水妨農功西

南風主米貴南風及東南皆主旱一日大風雨其年大惡

小風雨小惡風悲鳴多病又云米貴多蠶傷 元旦震主

閒居雜錄卷下

三

蟲蝗蠶少果菜盛婦女災紅色絲貴雷鳴一方不安七月

有霜有霧主人疫氣饑蠶廣桑賤又主大水 元旦雷主

盜賊瘡疥有霜主七月旱禾苗好 一二日月暈主土功

一說一暈樹木蟲羣芳譜

常以正月朔占夏籬風從南來東來者皆賤逆此者貴師曠

占 淮俗正月初二十六兩每月多雨羣芳譜 世謂正月

三日爲田本命以是日稱水以重爲上有年極驗研北雜志

三日晴明上下安東北風水旱調東南風晴主旱西北風

主水羣芳譜 五日晴明民安雨田大收蠶不收有霧傷穀

傷民 六日晴主大熟 七日晴民安風雨多災 八日

晴暖宜穀高田大熟雲掩月主春雨多是日雨元夜亦雨
是夕雨低田收羣芳譜

正月八日午立丈竿量日影過竿大水九尺平和八尺七
尺雨水頻五尺四尺風損禾三尺蝗二尺一尺旱饑夜立

竿平地量月初影據其長短移水畔就崖趾畫痕以記梅
水所到之處占驗書 正月初十日二十日乃天將軍下降

逢太后之日午後三刻有風警月令廣義 十二日爲花朝晴
則百果實夜尤宜晴雨則四日夜雨久陰

禪師惠南嘗言上元一夕晴麻小熟兩夕晴麻中熟三夕
晴麻大熟絕有驗談苑 上元晴主一春少雨又宜百果豎

閒居雜錄卷下

丈竿候月午影至七尺大稔六尺小稔九尺一丈主水五
尺旱三尺大旱又云雨打上元燈雲罩中秋月又云雨打

上元燈早稻一束草羣芳譜 正月上元霧主水通考
十六日謂之落燈夜晴主高低大熟東南風水鄉好西北

風主旱陶朱公書 十六夜晴主旱惟水鄉宜之兩歲俱收羣芳譜
講○按田家五行謂落燈夜晴主旱說與陶朱公異

正月十六日喜西南風爲入門風主低田大熟田家五行
雨水後陰多主水少高下大熟陶朱公書

正月二十日謂之秋收日晴主秋成黃帝占○羣芳譜以十七爲秋收日占同
正月晦日風雨糴貴米惡羣芳譜

二月內有三卯則宜豆無則早種禾經世民二月宜連

霜諺曰一夜春霜三日雨三夜春霜九日晴便民二月

甲子雨早甲寅乙卯雨米貴羣芳二月乙卯日不雨晴

明稻上場不熟師曠二月甲戌日風從南來者稻熟同

二月甲子日發雷大熱一云大熱驚蟄以前動雷一

月斷火灰驚蟄日雷在上旬主春寒黃梅水大在中旬主

蟲侵禾羣芳

二月朔日值驚蟄主蝗蟲值春分主歲歉風雨主米貴朱陶

公書二月初二日俗謂上工日雨主妨農田家詩曰初

二天晴東作興初七八日看年成花朝此夜晴明好何慮

閩居雜錄卷下

連綿夜雨傾陸朱二月二日宜雨夜宜晴否則蠶柘貴

大抵二月怕夜雨羣芳二月八日東南風主水西北風

主旱陶朱二月八日張大帝生日前後必有風雨甚准

俗謂之請客風送客雨正日謂之洗街雨初十謂之洗厨

雨田家二月十二日晴則百果實怕夜雨若此夜無雨

雖雨多亦無妨陳元義云二月得十二夜晴一年晴雨調

勻羣芳二月十二日為百花生日無雨百花熟陶朱

二月十五日為勸農日晴和主豐風雨主歉田家

春分雨人有災諺云春分無雨病人稀陶朱春分日西

風麥貴南風先水後早北風米貴萬寶春分燠熱萬物

不成青雲歲豐前後一日內有雷主歲稔羣芳譜社翁社

母不食宿水故社日必有雨謂之社翁雨錄提要春社日

兩年豐果少考通社日晴明六畜大旺有雨主五穀果實

少羣芳譜社在春分前主歲豐在春分後主歲惡諺云社

了分米穀如錦墩分了社米貴徧天下羣芳譜二月十九

日觀音生日晴主好雨則諸物少收陶朱公書二月二十日

晴主糴平羣芳譜二月二十日謂之小分龍日晴分懶龍

主旱雨分健龍主水談二月晦日雨人多疾四時占候

三月無三卯田家米不飽田家五行此月無雨麥乃有秋諺

云三月溝底白莎草變成麥嘉定縣志三月天雨多黃沙是

開居雜錄卷下

年食麥者多嘔黑沙不害沙即霜也土人謂之落沙嘉定縣志

三月甲寅乙卯甲申至己丑庚寅至癸巳三辰日三未

日雨皆主米大貴辰日雨百蟲生更得未日雨百蟲死

夏月同有暴雨名迎梅雨又名桃花水主梅雨多雷多

歲稔電多同虹見九月米貴魚鹽貴三月雪經日不消

秋禾不成米貴三倍人相食大臣憂羣芳譜寒食係清明

前二日人家募祭多值風雨是日雨主歲豐諺云雨打墓

頭錢今歲好豐年羣芳譜寒食清明前二日是必有雨甚

准田家五行清明喜晴惡雨諺曰簷前插柳青農人休望晴

簷前插柳焦農人好作嬌又午前晴早蠶收午後晴晚蠶

收雷小麥貴

羣芳譜

清明斷雪穀雨斷霜

周益公日記

三月朔日值清明主草木榮茂值穀雨主年豐風雨主人

災百蟲生有雷主五穀熟

陶朱公書

三月朔風民病木多蟲

北風自早至午米貴雷多主早無雷多盜雨民疾疫百蟲

生又云井泉空主旱

羣芳譜

三月二日雨澤無餘

羣芳譜

三月三上巳日聽蛙聲占水旱諺云田雞叫得啞低田好

稻把田雞叫得響田內好牽漿

嘉定縣志

三月三日雷鳴小

麥貴電同雨宜蠶水旱不時有霜二月冷

羣芳譜

五行書

曰欲知蠶善惡常以三月三日天陰如無日不見雨蠶大

善

齊民要術

常以三月三日雨卜桑葉之貴賤諺云雨打石

閒居雜錄卷下

美

頭徧桑葉三錢片或曰四日尤甚杭人曰三日尚可四日

殺我言四日雨尤貴

種樹書

三月初三晴桑葉掛銀瓶雨

打石頭斑桑葉錢上躉雨打石頭流桑葉好餒牛

田家五行

三月七日南風歲歉當雨不雨主穀貴

羣芳譜

三月十一

日為麥生日喜晴

嘉定縣志

穀雨日雨主多雨二麥紅腐不

可食用又主魚生諺云一點雨一個魚

農政全書

穀雨日辰

值甲辰蠶麥相登大喜忻穀雨日辰值甲午每箔繅棉得

三筋

田家五行

穀雨前一日霜主旱

羣芳譜

三月十六為黃姑浸種日其日西南風主大旱高鄉人見

此風即懸百文錢於簷下風力能動學家失聲相弔言風

愈急愈旱也通考 三月晦日雨麥不熟羣芳譜

夏日色黃主雨月暈主風星密來日熱虹出西方麥貴青雲覆之秋冬寒民病瘡赤雲覆之秋旱黃雲覆之秋多大

風黑雲覆秋多雨 夏不聞雷人多病五穀不成甲子庚辰辛巳雷蝗死多雨電民饑庚辰辛巳雨主蝗大雨蟲多

丙寅丁卯雨秋穀貴庚寅至辛巳雨麥平壬子雨牛無食如甲寅晴諺云拗得過夏雨甲子主秋旱四十日若遇雙

日是雌甲子雖雨無妨羣芳譜 江湖間惟畏大風盛夏風起於顧盼間曾聞江國賈人有一術可免此患大凡夏月

風景須作於午後欲行船者五更初起視星月明潔四際至地皆無雲氣便可行至於巳時即止如此無復與暴風

遇矣夢溪筆談 四五月雨為梅雨羣芳譜 立夏後逢庚日為入梅芒種後逢辰日為出梅瑣錄 四月內宜風雨頻諺

云麥秀風搖稻秀雨澆暴風起東南方人病瀉痢雷不鳴十月蟲不蟄電民不安秋禾傷虹見米穀貴蚱蟻蜻蜓黃

虫等蟲小滿以前生者主雨苔浮水立時大雨諺云水面生青說天公又作變羣芳譜 夏初水底生苔主有暴水諺

云水底起青苔卒逢暴雨來田家五行 四月內日裡要暖夜裡要涼主少水諺云日暖夜寒東海也乾田家五行

野薔薇開在立夏前主水田家五行 夏四月清和天氣必作

開居雜錄卷下

寒數日謂之麥秀寒田家五行立夏宜雨諺云立夏不下田

家莫耙若夜雨多損麥及蠶羣芳譜俗有立夏分龍之說

蓋龍於是時始分界而行雨各有區域不能相踰故有咫

尺之間而晴雨頓殊者五雜俎立夏日得金五穀不成夏

旱多風得木夏寒草生得火多妖言兵戈起得土遠臣朝

國無政合得水上下和順天下安宜行軍月令立夏日暈主

水晴主旱大晴其年必旱南方有雲歲豐立夏已時東

南有青氣年豐不則歲多災應在十月虹在正南貫離中

火旱災麻不收羣芳譜四月朔日值立夏主地動值小滿

主凶災通考江南民於四月一日至四日卜一歲之豐凶

云一日雨百泉枯言旱也二日雨傍山居言避水也三日

雨騎木驢言踏車取水亦旱也四日雨餘有餘言大熟也

談苑四月朔日晴歲豐晴而燠主旱有暈主水主風主熱

有重種兩禾之患風雨麥惡米貴大風雨主大水小風雨

主小水諺云四月初一見青天高田平地任開田四月

初一滿地塗丟了高田去種湖此日最緊要羣芳譜常以

四月朔占秋糶風從南來西來者秋皆賤逆此者皆貴師曠

古齊民要術引四月初四為稻熟日喜晴嘉定縣志

四日至十四日風主大風禾貴晦朔大雨大蝗四日雨五

穀貴五日至八日雨宜早麥羣芳譜四月初八晴料峭高

閒居雜錄卷下

田好張釣四月初八烏漉禿不論上下一齊熟周益公日記

初八日看陰晴卜水旱最宜密雲不雨通考 八日晝雨主

豐熟果實少忌夜雨諺云小麥不怕神共鬼只怕四月八

夜雨又云四月八日雨魚兒岸下死四月八日晴魚兒上

蒿林羣芳譜 有利無利只看四月十二此日宜晴忌西南

風吹足百錢動若東南風吹動足百錢十分好紀歷撮要 十

三日雨麥不收羣芳譜 十四日晴主歲稔諺云有利無利

但看四月十四東南風尤妙家富放債者專看此日田家五行

是日黃昏時日月對照主夏秋旱占候書 小滿有雨歲

稔諺云小滿不滿芒種莫管前後風雨白蠟不收羣芳譜

閒居雜錄卷下

无

十六夜月當午立一丈竿量月影若過竿主雨水多没田

夏旱人饑長九尺圭三時雨水八尺圭六月雨水七尺圭

低田大熟高田半收五尺夏旱四尺圭蝗三尺圭人饑通考

十六日日月對照占同十四日月上早無雲紅色大旱

遲而白主雨夜深圭大水一云月上早低田好收稻月上

遲高田剩者稀又云有穀無穀且看四月十六羣芳譜 四

月十六日晴則水大雨則旱惟陰雲為佳夜忌陰黑圭有

水嘉定縣志 四月二十日為小分龍西南風分黃龍主上下

大熟晴主旱雨圭水田家五行 舟人五月占若炮車雲起急

避大風月令通考 五月虹見圭小水米麥貴雷不鳴五穀減

半 芒種晴明主豐午時量日影不及四尺二寸二分瓜不成 芒種宜雨兩宜遲諺云雨芒種頭河魚淚流雨芒種脚魚捉不著 諺云芒種端午前處處有荒田主無秧

芒種後逢壬日或庚或丙日進梅閩人以壬日進梅前半月為立梅有雨主旱諺云雨打梅頭無水飲一說主水

諺云迎梅一寸送梅一尺試以二說比之梅雨大抵主旱雖有雨亦不多羣芳譜 芒種後半月謂之禁雷天諺云梅

裡一聲雷時中三日雨農政全書 梅雨中冬青花開主旱諺云黃梅雨未過冬青花未破冬青花若開黃梅便不來

上辰日雨主蝗起雨下食禾大驗上巳日雨主蝗蟲羣芳譜

閒居雜錄卷下

旱

芒種後壬日入梅壬日所種花草雖至難活者亦皆活申日亦可癸辛雜識 朔日夏至並二日三日至六日夏至五

穀熟二十二日二十四日夏至不熟二十五日三十日夏至時價平和晦日夏至五穀貴月令占候圖 諺云夏至端午

前坐了種田年言雨水調也有雨謂之淋時雨主久雨羣芳譜 夏至逢丁卯日下雨五寸主秋米貴五倍占 夏至

午時量日影不及一尺八寸禾不成 夏至宜少陰雲如水波無則三伏熱又青雲為蟲白為喪赤為兵荒黑為水

黃為豐 至日雷主久雨 無雨主旱諺云夏至無雨確裡無米得雨其年必豐諺云夏至日個雨一點值一金羣芳

譜

夏至是雨分路日有兩雨奪舊路其夜天河中星密

有兩星疎雨多歲時 雜占

夏至後半月名三時首三日為頭

時次五日中午時後七日未時風在中時前二日大凶諺云

時裡一日風準黃梅三日雨主旱最怕交節半月內西南

風諺云梅裡西南時裡潭潭梅天西南風急主雨立至易

過若微微之風最毒應在時裡來大凶時裡西南風微和

每晚轉東主旱纔風急即雨時雨最怕在中時前二日來

謂之中時頭必大凶若到得未時縱有雨亦善諺云夏至

未過水袋未破

夏至十日以後雷名送時雷主久晴

羣芳

夏至前雨蟹上岸夏至後雨水到岸法天 主意

五月朔

閒居雜錄卷下

望

日為早禾本命日尤忌雨嘉定 縣志

五月朔日晴主年豐雨

則歉 又朔日雨主來年三月雨一云人饑米貴又云不

出一年民大饑蝗 朔日至十日不雨大風大旱風雨米

貴牛貴人饑羣芳 譜

五月諺初一雨落井泉浮初二雨落

井泉枯初三雨落連太湖周益公 日記

五月五日大晴主水

值夏至天陰無日光穀不全收又云只喜薄陰但欲晒得

蓬艾主豐諺雲端午晴乾農人喜歡雨主絲棉貴大風雨

主風水多一云雨來年大熟曙時有雨東來人災七月七

日有雨即解霧主大水羣芳 譜

五月五日十一日二十九

日天帝朝玉皇主有大風又十一日十九日天帝釋朝玉

皇逢九曜申酉時惡風忌行舟渡水月令 五月十六日

有雲主草多黑雲主有蟹羣芳 五月二十分龍之日田

家於是日早以米篩盛灰藉之紙至晚視之若有雨點迹

則秋不熟穀價高人多閉糶農政 二十日雲和則歲熟

兩浙諺云廿一有雨歲豐無雨則早 農諺熟不熟但

看五月廿五六天晴則大旱又云二十五六陰穀子壓田

腔 楚俗以廿九三十為分龍節雨則多水 晦日風雨

來春米貴不雨民病羣芳

六月內有西南風主生蟲損稻秋前損根可再抽苗秋後

損者不復抽矣諺云秋前生蟲損一莖發一莖秋後生蟲

損了一莖無了一莖田家 六月白雲橫斗下東方生雲

皆主雨浮雲不布十二月草不衰黑氣主雨虹見米麻貴

甲乙丙丁日無雨民不耕主旱丙寅丁卯雨主秋米貴

黑霧相連主雨羣芳 六月雷不鳴蝗蟲生冬民不安時

占 諺云六月無蠅新舊相登米價平通 小暑雨名黃

梅雨主水有東南風及成塊白雲主退水兼主旱無則水

不能卒退東坡詩三時已斷黃梅雨萬里初來白掉風湧

幢小品吳中五六月間梅雨既過必有大風連數日土人

謂之舶艸風凡舶遇此風日行數千里雖猛不為害 六

月三伏西北風主稻秈冬冰堅 六月朔日風雨穀貴西

閉居雜錄卷下

南風主蟲傷禾 三日雨難稿稻諺云六月初三晴山篠

盡枯零六月初三一陣雨夜夜風潮到立秋談者引諺作到處暑○已

上並舉六月三日有霧則歲大熟望氣經六月六日雨

謂之湛輓主有秋水晴主有乾稻占候書六月初八西北

風驚動海中龍陶朱公書六月晦日風米貴南風蟲災 夏

秋之交大風及有海波雲起俗謂之風潮古名颶風有此

風必有大雨甚則拔木偃禾壞房屋決堤堰其先必有如

斷虹之狀者名曰颶母又名破帆風諺云西南轉西北搓

繩來絆屋半夜五更西天明拔樹枝日晚風和明朝再多

南風愈吹愈急北風初起便大諺云南風尾北風頭又曰

雷居雜錄卷下

西風頭南風脚蓋西風初起飄發以漸而緩南風初來甚

緩後則漸急而雨隨之 夏秋間夜晴而見遠電謂之熱

電 夏秋之間稿稻還水喜雨多歲稔諺云夏末秋初一

剗雨賽過唐朝萬斛珠羣芳譜

蛟之出多在夏末秋初其地冬雪不存夏苗不長烏鵲不

集其地之氣朝黃暮黑星夜視之上冲霄漢未起三月前

遠聞似秋蟬悶手作鳴或如醉人聲試掘至三五尺其卵

卽得大如車輪預以不潔之物或鐵與犬血鎮之多備利

刃剖之其害遂絕否則候雷雨卽出又蛟最畏金鼓及火

山中久雨夜立燈竿亦可避蛟卽起而作波但疊鼓鳴鉦

多發火光以拒之水亦必退

來復堂外篇

立秋後忌見虹主田不收 秋月暴雨謂之天收百穀虛

耗不實 秋雷不藏民多暴疾 秋後雷多晚田不收

秋電未遲熟

羣芳譜

立秋日午時豎竿影得四尺五寸二分半五穀熟

月令占候圖

立秋日要西南風主稻禾倍收三

日三石四日四石 立秋日雷名躡踣損晚禾亦云秋霹

靄主晚稻秭 朝立秋暮颼颼夜立秋熱到頭

紀歷撮要

立

秋日晴主萬物少成熟一云主歲稔風涼吉熱主來歲災

早疫 是日西方有雲及小雨吉大雨傷穀

羣芳譜

處暑有雨則歲物成熟諺云處暑若還天不雨縱然結實

閉居雜錄卷下

四

也難收

嘉定縣志

七月朔日風雨人不安米貴南風禾倍收

虹見年內米貴有雷損晚禾

羣芳譜

七月三日有霧歲熟

望氣 七夕已前占河影沒三日而復見則穀賤七日復

見則穀貴

羣芳譜

七夕天河去探米價回快米賤回遲米

貴

紀歷撮要

七夕西南風謂之金風不要播匾言無秕穀也

有雨吉名洗車雨麥麻豆賤諺云七月無洗車八月無麥

花 十六諺云月上早好收稻月上遲秋雨徐言多也十

六日雨名洗鉢盂雨主來年荒 七月晦風雨主人多殃

宜麥布貴油麻貴十倍

羣芳譜

八月黃雲吉無雲麥不成赤雲麥枯死虹見秋米平來春

米貴雨多米貴此月不宜有雷諺云八月一聲雷徧地都是賊秋分後多霜人多病

易

羣芳譜

虹八月出西方粟貴

候

白露日納音屬火難種菜蔬

紀原撮要

白露晴主收稻

白露雨謂之苦雨主萬物傷損瓜果菜生蟲稻禾沾之則白颺蔬菜沾之則味苦諺云白露前是雨白露後是鬼若

雙日白露有雨不損苗單日有雨則損苗如連陰雨不為

害

羣芳譜

秋分在社日前則田有收而穀賤後則無收而

穀貴諺云分後社白米徧天下社後分白米如錦墩

嘉定縣志

秋分諺曰分社同一日低田盡叫屈秋分在社前斗米

換斗錢秋分在社後斗米換斗豆

通考

秋分要微雨或天

閉居雜錄卷下

望

陰最妙主來年高低田大熟

農政全書

秋分晴主不收酉時

西方有白雲如羣羊是分氣主大稔有黑雲相雜並宜麻

豆赤雲主來年早八月浮雲不歸二月雷不行 秋社雨

來年豐

羣芳譜

朔日值白露果穀不實值秋分主物價貴

通考

八月一日雨則角田下熟角田出豆也

談叢

八月朔日

晴主連冬旱宜薑略得雨宜麥大雨傷禾一云風雨宜麥

主布絹絲棉及麻子貴多雨牛貴又日月月初一要晴惟

此月初一雨好種麥一云八月初一下一陣旱到來年五

月盡

羣芳譜

朔日至三日陰雨宜麥主布貴油麻少

羣芳譜

八月二日八日十七二十等日歲星惡星月建交會有

惡風雨神 又三日八日十五二十七等日龍神會主大

風神 八月十一日小晴妙羣芳 八月十二日為鹽生

日十三日為滷生日雨則隨貴嘉定 十五日晴主來年

高田成熟低田水夜月光主多兔少魚無月主來年燈時

雨諺云雲罩中秋月雨打上元燈又云雨主澇又主來年

低田熟羣芳 中秋無月則兔不孕蚌不胎蕎麥不實兔

望月而孕蚌望月而胎蕎麥得月而秀叢 八月二十四

日為稻藁生日雨則雖得穀藁必腐嘉定

九月上卯日北風主來年三七月米大貴東風亦然西北

平平雜 自一日至九日以日占月遇此日風則此月穀

賤戎事 虹以九月出西方大小豆貴文林 九月庚寅

辛卯雨冬穀貴 九月雹不利牛馬霜不下三月多陰寒

霜初下只一朝謂之孤霜主來歲歉連得兩朝以上主

歲熟月無光布帛貴蟲災雷鳴穀大貴 霜降日見霜則

清明日霜止或前或後日數皆同田家出秧必待霜止甚

驗 霜降上有鋒芒吉平者凶羣芳 朔日值寒露主冬

寒值霜降主歲歉 九月朔日精明萬物不成風雨來春

早夏水麻米貴風自東來半日米麥貴小雨吉大雨傷禾

羣芳 朔日虹見麻貴油貴文林 九月二日雨芝麻貴

廣記 重九日晴則冬至元日上元清明四日皆晴雨則皆

候占

閉居雜錄卷下

吳

雨諺云重陽無雨一冬晴 諺云九日雨米成脯又云重

陽濕漉漉穰草錢千束田家五行 九日雨大宜收禾 九月

九日是雨歸路有雨來年熟四時占候 九日東北風來年豐

西北風來年歉羣芳譜 重陽雨柴薪貴名曰竈荒農諺九

月一日晴不如九日明占候 九月十一十五十九等日龍

神會朝玉帝有大風月令廣義 俗以九月十三日為孟婆生

日以是日晴雨占一冬晴雨孟婆謂風也說鈴 十三日晴

則冬晴柴賤占雜 九月十三日為稻籬生日宜晴又云十

三晴不如十四靈十四晴釘靴掛斷鼻頭繩嘉定縣志

冬天南風三兩日必有雪 冬天近晚忽有老鯉斑雲起

開居雜錄卷下

巽

漸合成濃陰者必無雨名曰護霜天農政全書 冬最宜雪諺

云冬無雪麥不結種樹書 雪中有雷主陰雨百日雨同雪

下卒難得晴諺云夾雨夾雪無休無歇 冬雷地必震民

饑萬物不成 冬雹大臣死 冬前霜多旱禾好冬後霜

多晚禾好冬三月無霜蟲不蟄麥惡來年蝗蟲害五穀人

災疫萬物不成冬雪盈尺來年大豐積雪歲美人和無雪

來年麥惡五穀不成蟲生人疫 虹冬三月出西方青雲

覆之春雨調和白雲覆之春多狂風黑雲覆之春多雨水

十月壬寅癸卯雨春粟貴諺云十月雨連連高山也是

田雷鳴人民災五穀薄庚戌辛亥日雷鳴來年正月米貴

陰氣盛田薄收 十月內虹見主麻貴又主五月穀貴出

西方稻貴出東北方其邑亡羣芳譜 十月有三卯糴平無

則穀貴家壁事親 十月立冬晴則一冬多晴雨則一冬多雨

亦多陰寒諺云賣絮婆子看冬朝無風無雨哭號咷全音

十月內有霧為沫露主來年水大約相去百單五日水

至須看霧著水面則輕離水面則重田家五行 立冬晴主小

寒人言又諺云立冬日晴主冬暖又主多魚是日先立一

丈竿占日影得一尺大疫大旱大暑大饑二尺赤地千里

三尺大旱四五尺低田收六尺高低田俱熟七尺高田收

八尺澇九尺大水一丈水入城 西北有白氣如龍馬宜

麻如不至大寒傷物人瘦應在來年四月 小雪東風春

米賤西風春米貴虹見西方麻貴五月穀貴一出一倍二

出二倍羣芳譜 朔日值立冬主災異值小雪有東風春米

賤西風春米貴立冬日用斗量米米若綴在斗上主來春

米陡貴甚驗家壁事親 諺云十月初一陰柴炭貴如金試嘗

十月朔日晴則一冬多晴風雨年內早多陰寒大雨米大

貴小雨小貴雷鳴所當之鄉骸骨盈野夜尤甚羣芳譜 常

以十月朔日占春糴貴賤風從東來春賤逆此者貴齊民要術

引師 燕市賣鞞人以十月一日為鞞生日供具祭之以

其陰晴卜一冬之寒燠極驗宛署記 十月二日雨芝麻貴

閒居雜錄卷下

哭

羣芳譜 吳俗以十月五日爲五風生日大湖漁者千家饗

諸神祠祈是日有風則每五日風雨如期至終歲皆然可

以揚帆取魚謂之五風信天中記 十五十六日晴主冬暖

羣芳譜 十月十六日爲寒婆生日晴主冬暖農政全書 雨主寒

羣芳譜 晦日雨占與朔同羣芳譜

十一月甲申至己丑雨主糴貴壬寅癸卯雨春穀大貴庚

寅至癸巳日風雨糴貴有霧主來年早雪冬春穀賤雪

少來年旱虹見火色吉雷主來春米貴羣芳譜 冬至之日

樹八尺之表日中視其晷影如度者其歲美人民和順易通

卦 冬至陰雲祁寒有雲迎日來歲大美尚書 欲知

開曆雜錄卷下

五

明年五穀所宜冬至取諸種各平量一升布囊盛之埋窖

陰地後五日發取量之息多者歲所宜也 冬至兩年前必

晴冬至晴年必雨頗准 冬至前米價長後必賤落則反

貴田家五行 冬至晴萬物不成嘉興縣志又云主來歲稔 是日風寒吉青

雲北起歲熟民安赤旱黑水白災黃大熟無雲凶若前後

有雪來年大水人饑羣芳譜 冬至後一日得壬炎旱千里

二日得壬小旱三日得壬平四日得壬五穀豐五日得壬

少水六日得壬大水七日得壬河決流八日得壬海翻騰

九日得壬大熟十日至十二日得壬五穀不成紀歷撮要

法 從冬至日數至來年正月朔日五十日者民食足不

滿五十日者日減一斗有餘日日益一斗淮南 十一月

朔有風雨宜麥大雪主年荒歲凶民災羣芳譜 十一月一

日三日十九二十二二十八等日龍神交會主惡風雨宜

慎程途神樞 十一月十七為彌陀生日忌南風相傳有偈

云南風吹我面有米也不賤北風吹我背無米也不貴極

驗嘉定縣志古今類傳引藏經作十八日 十一月三十日風雨占來年春

旱占候

十二月內冷風暴作六七月橫水米貴 虹見主黍穀貴

雷主來年旱澇不均 上酉日雨主冬春連陰兩月 霧

主來年旱禾傷諺云臘月有霧露無水做酒醋酉日尤驗

開居雜錄卷下

辛

上旬中旬有雪來年梅水盛上酉日雪來年旱澇不均

小寒大寒日風雨損畜羣芳譜 冬至後第三戌為臘臘

前三兩番雪謂之臘前三白大宜萊麥田家五行 十二月下

雪而不消名曰等伴主再有雪久經日照而不消亦是來

年多水之兆田家五行 十二月朔日值大寒主有虎出為災

值小寒主有祥瑞通考 十二月朔風雨來春旱東風半日

不止六畜災西風半日不止旱六畜疫羣芳譜 十二月三

日五日六日八日二十日二十六日晦日龍神朝會辰時

惡風或雨宜慎遠行神樞 十二月二十二夜辰星去月及

何方主來年在月南近主夏早在月西穀熟不安靖在東

北半收在東南風雨傷禾少收在西南蟲旱在西北主兵

其夜太白星在月東主三百日內有兵月令占候念四夜黃

昏時候鄉人束稻草於竿點火在田間行走名曰照田蠶

看火色卜水旱色白主水色赤主旱猛烈年豐歲蕤歲歉

取北風為上 除夜燒盆爆竹與照田蠶看火色同是夜

取安靜為吉陶朱公書占候除夜犬吠新年無疫痢除夜犬惡

暉新年多火盜占候除夕作米粉窩十二枚有閏月作

十三枚擺於饌中蒸至飯熟取出驗之第一個中有水則

主正月有水水多則雨水亦多逐月驗之遇乾則其月無

雨雜志除夜取水秤明朝換水秤比輕重重則雨多輕則

開居雜錄卷下

至

雨少田家五行除夜東北風五天大熟紀歷撮要常以歲除夜

五更視北斗占五穀善惡其星所主明則成熟暗則有損

貪狼主蕎麥巨門主粟祿存主黍文昌主芝麻廉貞主麥

武曲主粳糯破軍主赤豆輔星主大豆通考臘月柳眼青

主來年夏秋米賤雜占

海船利在風其汛期多在夏秋之間西北風倏起或日早

白暮黑天邊有斷虹散霞如破帆蠶尾西北黑雲驟生昏

夜星辰閃動海水驟變水面多穢及海蛇浮游於上螻蛄

放洋鳥鰭波弄必有颶風將至須急收安澳 清明以後

南風為常霜降以後北風為正南風順舟以小為穩北風

烈舟以大爲穩夏至後有北風必有颶信風起而雨隨之
越三四日颶卽倏來少則一晝夜多則三日或自南轉北
或自北轉南必俟西風其颶始定颶風起自東北者必自
北而西自西北者必自北而東而俱至南乃息謂之迴南
凡二晝夜乃息若不落西不迴南則踰月復作必對時
日作次日止夜作次夜止凡歲有一打鬼節則有一颶有
二打鬼節卽有二颶鬼鬼宿也打節者或立春立夏等節
值鬼宿也颶初起時有雷則不成颶作數日有雷而止

颶無定期必挾大雨操舟最忌惟得雷聲則止占者每視
風向反常爲戒如夏月應南而反北秋冬與春應北而反

開居雜錄卷下

三

南三月廿三日媽祖暴後便應南風白露後旋必成颶其

至三月皆應北風惟七月北風多主颶

至也漸入得而避之颶驟而輕颶緩而久且烈春風畏始
冬風慮終又非常之風常在七月臘月自廿四日至廿九
日有南風則占來年有颶如廿四日則應四月廿五日則

應五月按日占月至廿九日爲應九月也 凡舟行以四

八十月爲穩蓋天氣晴和也六七月多颶諺云六月防六

月有雷則無颶諺云六月一雷止九颶七月一雷九颶來

颶之以時異者謂之暴每月值初三十八日凡風颶潮發

最大故潮滿每旬值七八九日爲暴期同安

俗謂諸神誕日則有風報正月則初九玉皇報有風則一

年報期皆驗若無

則驚風驟作十三關帝二十九鳥狗報或二月則初二地
多不及防報三月則初三眞武十五眞人二十三風天后報多雨

四月則初八佛子五月則初五屈原十三關帝六月則十

二彭祖十八婆報二十四洗蒸籠報以上三五皆係七月

則十五鬼八月則初一竈君初三龍神十五魁星九月則

十六張良十九觀音十月則初十水仙二十六翁爹十一

月則二十七普庵十二月則二十九火盆報自二十四日

送年按之常驗羅源又正月初四接神報十五上元報五

月二十分龍報六月二十九文丞相報九月初九重陽報

十二月二十四送神報見連江縣志凡風暴多起於午後

閏君雜錄卷下據續漢書志劉昭註引春秋

日蝕自甲子至癸亥占潛潭巴之文其旁註者原闕

取孫穀古徵書所輯補入甲子蝕有兵敵強臣乙丑蝕大旱丙寅蝕久旱丁卯蝕有旱

有兵戊辰蝕地震己巳蝕火災庚午蝕後火燒官兵辛未蝕

大水壬申蝕水滅陽潰陰欲翔癸酉蝕連陰不解淫雨毀

山有兵甲戌蝕草木不滋壬命不行乙亥蝕東國發兵丙

子蝕夏霜丁丑蝕三公戊寅蝕天下己卯蝕多盜庚辰蝕葦

星東至有寇兵辛巳蝕后妃壬午蝕久雨旬望癸未蝕行

義不明甲申蝕四月乙酉蝕仁義不明賢人消丙戌蝕多

丁亥蝕匿謀滿玉堂戊子蝕宮室內淫雌必成雄己丑

蝕天下倡亂庚寅蝕將相誅大水多死傷辛卯蝕臣代其

主壬辰蝕河海決久霧連陰癸巳蝕權不甲午蝕蟲螟為害乙

未蝕天下多邪氣鬱鬱蒼丙申蝕諸侯相攻丁酉蝕侯

戊戌蝕有土殃主后死天下諒陰己亥蝕小人用事君

子繫庚子蝕君有辛丑蝕主疑臣壬寅蝕天下苦兵大臣

驕橫癸卯蝕外國甲辰蝕四騎脅大水乙巳蝕東國起兵丙午

蝕民多丁未蝕王者崩戊申蝕地動搖侵兵強己酉蝕有

者疑庚戌蝕臣下辛亥蝕子為雄壬子蝕后妃專恣女謀主

癸丑蝕水游甲寅蝕雷電擊殺骨肉相攻乙卯蝕雷不行

雪殺草不長姦人入宮丙辰蝕山水丁巳蝕下有敗兵戊

閒居雜錄卷下

午蝕久旱穀不傷己未蝕王失庚申蝕外國辛酉蝕女謀

主壬戌蝕君小事癸亥蝕天子崩

善

出行

抱朴子曰凡爲道合藥及避亂隱居者莫不入山然入山而無術必有患害或被疾病及傷刺或驚怖不安或見光影或聞異聲或合大木不風而自摧折巖無故而自墜落打擊殺人或令人迷惑狂走墜落坑谷或遭虎狼毒蟲犯人不可輕入山也當以三月九月此是山開月又當擇其月中吉日佳時若事久不得徐徐須此月者但可選日時耳凡人入山皆當先齋潔七日不經汗穢帶昇山符出門作周身三五法又五岳有受殃之歲大忌不可以甲乙寅卯之歲正月二月入東岳不以丙丁巳午之歲四月五月

閒居雜錄卷下

羹

入南岳不以庚辛申酉之歲七月八月入西岳不以戌己之歲四季之月入中岳不以壬癸亥子之歲十月十一月入北岳不須入太華霍山恒山太山嵩高山乃忌此歲其岳之方面皆同禁也入山之太忌正月午二月亥三月申四月戌五月未六月卯七月甲子八月申子九月寅十月辰未十一月己丑十二月寅入山良日甲子甲寅乙亥己巳乙卯丙戌丙午丙辰己上日大吉入山大月忌三日十一日十五日十八日二十四日二十六日三十日小月忌一日五日十三日十六日二十六日二十八日以此日入山必爲山神所弑又所求不得所作不成不但道士凡人

以此日入山皆凶害與虎狼毒蟲相遇也靈寶經云入山

當以保日謂支干上生下之日及義日謂支干下生上之日

也若專日者大吉以制日支干上克下之日伐日支干下

日若甲申乙酉是必死遁甲中經曰入名山欲令百邪虎狼毒蟲

盜賊不敢近人者出天藏六癸為大藏入地戶六己為地戶又曰避

亂世絕跡於名山令無憂患者以上元丁卯日名曰陰德

之時一名天心可以隱淪所謂白日昏沈日月無光人鬼

不能見也抱朴子曰入名山以甲子開除日以五色繪各

五寸懸大石上所求必得又曰入山宜知六甲祕祝祝曰

臨兵鬪者皆陣列前凡九字常當密行祝之無所不避要

問疑雜錄卷下

美

道不煩此之謂也或問避蛇虺之道抱朴子曰帶武都雄


黃色如雞冠者五兩以上以入山林草木則不畏蛇蛇若

中人以少許雄黃末納瘡中亦登時愈也或問涉江渡海

辟蛇龍之道抱朴子曰於水次破雞子一枚以少許粉雜

香末合攪器水中以自洗濯則不畏風波蛟龍也

入山符



上五符皆老君入山符也以丹書桃板上大書其文字合
瀾滿板上以著門戶上及四方四隅及所道側要處

入山佩帶符



以上晉葛洪登陟符籙

凡入山牽白犬白雞與鹽則藥寶並出百步外口呼靈獄

或呼林林央央林林央央山神也見地鏡圖則無恙一作林兵升菴外集

凡人深山當持明鏡使精魅不敢近入山脚時宜退數十

步方上山精魅無犯次將後衣褶摺三指挾於腰蛇蟲不

閉居雜錄卷下

敢近 入山念儀方二字以却蛇念儀升菴作儀二字以

却虎念林兵二字以却百邪 凡登高雖千仞眼所看止

脚下一步地則形神相守而不勞昨非庵

凡人入山持牛羊等角於上風燒之則豺虎山精避不見

形蛇虺絕跡隨園隨筆

凡山行用真雄黃三兩貯絹袋中每脚上札一包惡蛇聞

之自走若雄黃少可研爲細末搽手脚上極妙

雞毛燒烟一切毒蛇聞其氣即死凡蛟蜃屬亦然無能免

者新齊 嘗得此字寫紙隨身帶之避虎狼

狼畏圓人解帶作圈狼輒去物理小識

梓木爲舟起屨

物類相感志

渡江河朱書禹字佩之吉寫之

土字於手心下船無惡佈

下船密將龜心土一塊藏髮中不暈

凡出海客輒市字紙灰包載以往云洋中多怪風及一切

水怪或吞舟魚投灰即去

新齊諸

凡事急出行用兵不能待擇日者用此縱橫法大吉

■

空心齊足正身作用先四縱後五橫以右手大拇指畫之

呪曰四縱五橫吾今

出行用兵

禹王衛道蚩尤避兵盜賊不得

起虎狼不得行週遊天下還歸故鄉當吾者死避吾者昌

吾奉九天玄女律令勅

三月十六日忌遠行水陸不吉

風土記

閏居雜錄卷下

庚

五月十一日爲龍神會忌出行

月令

十九日龍神會忌遠

行道

二十七日同令

二十九日同令

六月廿四日水陸俱戒遠行

月令

七月初七初九十五二十七等日乃龍神會午後惡風無

風卽雨慎行船

神樞

九月十八日水陸遠行俱不利宜慎之

雲笈七籤

十一月二十日戒水陸遠行

月令

十二月初七日水陸戒行

遵生八鏡

避難止小兒哭法 用棉作一小毬略使滿口而不致閉

其氣以甘草煎湯或甜物皆可漬之臨時縛置兒口中使

嚙其味兒口有物實之自不能作聲而棉軟不傷其口此

法活人甚眾不可不知

醫學入門

入水不沈 用籐篋編如朝珠盒式紙糊油漆束腰以上可渡水不沈 又聞之海上人云取猪脾繫於兩腋能入水不沈 用薄錫打成雙筩而灣曲之上塞入鼻下噙口內則口與鼻相爲呼吸而水不得入雖晝夜伏於水底亦與在陸一般

來復堂外篇

避兵法 正月上寅日禹步取寄生木三呪曰諾臯敢告

日月震雷令人勿敢見我我爲大帝使者乃斷取五寸陰

乾百日爲簪二匕循頭上居眾人中人不見 一法以左

《開居雜錄卷下

堯

手取青龍上草折半置逢星下歷明堂入太陰中禹步而行三呪曰諾臯太陰將軍獨聞曾孫王甲勿開外人使人見甲者以爲束薪不見甲者以爲非人則折所持之草置地上左手取土以傅鼻入中右手持草自蔽左手蒼前禹步而行到癸下閉氣而住人鬼不能見也凡六甲爲青龍六乙爲逢星六丙爲明堂六丁爲陰中其禹步法正立右足在前左足在後次復前右是以左足後右足併是一步也次復前右足次前左足以右足從左足併是二步也次復前右足以左足從右足併是三步也

來復堂外篇



隱形法 白犬膽和通草桂心爲末蜜和爲丸服能令人

隱形青犬尤妙

本

閒居雜錄卷下

卒



隱形青犬尤妙

神鬼

天上造化之神名含靈見司馬相如傳註日神曰東君見郊祀志亦曰

蘇利耶見佛經亦曰鬱儀見大洞經月神曰蘇摩見佛經亦曰結璘

見大洞經亦曰文申見庶物異名錄牽牛神名略見春秋洞經牽牛名天關

星經織女神名收陰見春秋星經見石氏

角星神姓賓名遠生衣綠立單衣亢星神姓扶名司馬馬頭赤身衣赤

緹單衣帶劍氏星神姓王名師子衣青紗單衣房星神姓洪名寄生

衣絳緋心星神姓女名涂祖牛頭人身衣黃單衣帶劍尾星神姓涂名

徐澤免頭人身衣青單衣箕星神桑木之精姓元名闕仲衣飄王單衣

南斗星神姓陽名都衣青單衣持矛牛星神姓柳名將生衣綠立單衣

閨居雜錄卷下

空

女星神姓刁名徐字鬱子犬頭人身虛星神槐之精也姓木名

徐他鼠頭人身衣銀黑單衣帶劍危星神姓劉名歸生衣環紋單衣帶劍營室

之內五色雜神營室天子受命之司姓呂名昇衣黃錦單衣東

壁星神姓石名蘇和豕頭人身衣黑單衣帶劍奎星神姓黑名石勝衣丹單衣

帶劍婁星神姓竺名遠來衣流熒單衣胃星神姓馮名謝君

衣流黃單帶劍昂星神姓張名弩小衣綠青單衣畢星神姓柔名公

衣帶劍衣白帶劍觜星神姓王名平衣龍青單衣參星神姓銅名徐

舒衣黃緋單衣帶劍井星神之名搏陽衣黃水單衣帶劍鬼星神

主震姓作名涂子蛇頭黑身帶劍衣赤野單衣柳星神主坎姓角名石

襄羊頭人身衣黃韋單衣七星神主艮名勝子衣飛霞單衣張星神主巽

姓李名神子衣赤血單衣翼星神主離姓張名奴子衣赭黑軫單衣

星神主兌姓口名蘇子衣流黃單衣○雲笈七籤

風神曰封姨見佛異記亦曰婆瘦見佛經亦曰異二見幽錄風伯曰

飛廉見風俗通亦名吒號長青見雲笈七籤雨師曰屏翳見山海經亦名

馮修號樹德見七籤雲師曰豐隆見楚詞霜神曰青女見淮南子高誘

註雪神曰騰六見幽怪錄雷公曰江赫冲電母曰秀文英見道經

子神曰地主丑神陽德良神和德寅神呂申卯神高叢辰

神太陽異神太昊巳神大神午神大威未神天道坤神大

武申神武德酉神太簇戌神陰主乾神陰德亥神大義太乙

數十二月之神正月登明二月天魁三月從魁四月傳

送五月小吉六月勝先七月太卜八月天門九月太衝十

月功曹十一月大吉十二月神后唐六典弓隆甲子神也

呼之入水不溺執明甲戌神也呼之入火不燒談晉

東方太山君神姓圓名常龍七籤東嶽姓立E名目陸南方衡山君神

姓丹名靈峙七籤南嶽姓爛名洋光西方華山君神姓浩名鬱符七籤

西嶽姓浩嶽名元倉北方桓山君神姓登名僧七籤北嶽姓伏名通萌中央嵩

山君神姓壽軍壽一作軍壽名逸羣七籤中嶽姓角名普生呼之令人不病東

方大山將軍姓唐名臣南方霍山將軍姓朱名丹西岳華

陰將軍姓鄒名尙北岳恒山將軍姓莫名惠中岳嵩高山

將軍姓石名立恒存之却百邪東海君姓馮名修青夫人

閩君雜錄卷下

姓朱一作宋名隱娥七籤勾芒號曰文始洪崖先生東方蒼帝東海君也南海君姓視

名赤一作保赤夫人姓翳名逸寥七籤祝融號曰赤精成子南方赤帝南海君也西海

君姓勾大名巨百一作白夫人姓靈名素簡七籤葦收號曰夏里黃君西方

白帝西北海君姓是名禹帳里一作姓禹名帳黑夫人姓結名連

翹七籤禺強號曰冥玄子北方黑帝北海君也河伯姓呂公一無呂字名子夫人姓

馮名夷廣雅河伯謂之馮夷七籤馮夷號曰元梁使者君有四海河神名並可請

之呼之却鬼氣龍魚河圖

常以雞鳴時淨心傳誦四海神名三徧則辟百鬼及瘟疫

大災甚效東海神名阿明南海神名祝融西海神名巨乘

一作臣乘北海神名禺強醫方類聚○又養生雜書曰東海姓何名歸君南海姓劉名赦君北海姓

開居雜錄卷下

奎

吳名禽強君

山神謂之離河伯謂之馮夷江神謂之奇相埤雅淮神曰

日陽土神謂之墳羊埤雅墳羊賈誼土精也水神謂之四鳥埤雅水神

也木神謂之畢方埤雅彭侯雲火神謂之游光埤雅游光畢方火神

也又火之神為惡祈居火之怪為采無忌火之鬼為地臯轉都見列子金神謂之明清廣雅

社神曰修車見藝文門神名徐夷見文奇溝神名履見莊廁

神曰後帝見雜文廁鬼曰郭登見獨異志井神曰吹簫女子見

囊橘見郊志嬰神名族人炊見郊志

竈神蘇吉利妻王氏名搏頰西陽雜俎又云竈神名隗曰

子及名髻狀如美女又姓張名單字子郭夫人字卿忌有

六女皆名察洽以月晦日上天白人罪其神屬有天帝嬌

孫天帝大夫天帝都尉天帝長兄礪上童子突上紫宮君

太和君玉池夫人齊竈神名禪字子郭衣黃衣夜被髮

從竈中出知其名呼之可除凶惡宜市猪肝泥竈令婦孝

雜五行書○感應類從志曰以狗肝和淨土泥竈令婦妾咸服宣帝時陰子方者至孝

有仁恩臘日晨炊而竈神形見子方再拜受慶家有黃羊

因以祀之自是以後暴至巨富至識三世而遂繁昌故後

常以臘日祀竈而薦黃羊焉後漢書陰識傳

釜飢鬼名婆女凡遇釜鳴呼其名不為災談凡釜鳴勿

驚呼須一男子作婦人拜或婦人作男子拜即止多能

筆神曰佩阿又曰昌紀研神曰淬妃墨神曰回氏紙神曰

尚卿致虛雜想

司書鬼曰長恩除夕呼其名而祭之鼠不敢嚙蠹魚不生

弓神名曲張箭神名續長弩神名遠望一作刀神名脫光

劍神名飛揚見狗覺察誰記矛神曰跌踰一名天矢陰見龍魚河圖戟神曰大

將見大兵法斧神名在章一作在章盾神名自障見龍魚河圖

衣服神曰厭多首飾神曰妙好見瑯嬛記黛神曰天軼粉神曰

子占脂神曰與鬢膏神曰雁孃見探蘭鏡神曰紫珍見清

杵神曰細腰見清異錄鼓神曰帝江見韻府獄神名章野三郎

傀儡神名郭秃見談異錄

閒居雜錄卷下

奇

粟神曰許給豆神曰靈殖黍神曰份佞

見埤

麥神名福習

春秋佐

花神名女夷

談

蔬菜神曰紫相公

清異錄

船神名馮耳下船三呼其名除百惡見金樓子北戶錄又

呼爲孟公孟姥 廁之精名曰依倚青衣持白杖知其名

呼之者除 火之精名必方狀如鳥一足以其名呼之卽

去 木之精名彭侯狀如黑狗無尾可烹而食之 千載

木其中有蠱名曰賈誦狀如豚食之如狗肉味 金之精

名倉狀如豚居人家使人不宜妻以其名呼之卽去 水

之精名罔象其狀如小兒赤色大耳長爪以索縛之則可

得烹之吉 故門之精名野狀如朱儒見人則拜以名呼

閒居雜錄卷下

奎

之宜飲食 故宅之精名揮文又曰山冕其狀如蛇一身

兩頭五采文以其名呼之可使取金銀 故廢上墓之精

名曰元狀如老役夫青衣而好杵臼以其名呼之宜禾穀

故道徑之精名忌狀如野人以其名呼之使人不迷

道之精名作器狀如丈夫善眩人以其名呼之卽去 故

池之精名意狀如豚以其名呼之卽去 故井之精名觀

狀如美女好吹簫以其名呼之卽去

談蒼云名賜又名覆

絕水有

金者精名曰侯伯狀如人長五尺綵衣以其名呼之卽去

故臺屋之精名兩貴狀如赤狗以其名呼之使人目明

左右有石水生其間水出流千歲不絕其精名曰喜狀

如小兒黑色以其名呼之可使取飲食 三軍所載精名
曰賓滿狀如人頭無身赤目見人則轉以其名呼之即去
故水之精名忌狀如人乘車蓋日馳千里以其名呼之
可使入水取魚 丘墓之精名狼鬼善與人鬪不休為桃
弓棘矢司以鴉羽以射之狼鬼為飄風脫履投之不能化
故市精名曰毛門其狀如罔無手足以名呼之即去

室之精名僂龍如小兒長一尺四寸衣黑衣赤幘大冠帶
劍持戟以其名呼之即去 山之精名夔狀如鼓一足而

行以其名呼之可使取虎豹 抱朴子曰山之精形如小兒
而獨足是向後喜來犯人人
入山谷聞其音聲笑語其名曰蚊知而呼之即不敢犯人
一名曰超空亦可兼呼之有山精或如鼓色赤一足其名

開唐雜錄卷下

矣

曰揮又或如人長九寸衣裘帶笠名曰金累又或如龍
而五色赤角名曰飛龍見之皆以其名呼之不敢為害

故孽池之精名曰鬚頓狀如牛無頭見人則逐人以其名
呼之則去 夜見堂下有小兒披髮走勿惡之名曰溝以

其名呼之則無咎 百歲狼化為女人名曰知女狀如美

女坐道旁告丈夫曰我無父母兄弟丈夫取為妻三年而

食人以其名呼之則逃去故溷之精名曰卑狀如美女而

持鏡呼之使人知愧 白澤圖○又故車之精曰孟野玉
之精曰委然狀如美女一作委倚

千歲樹精為青羊萬歲樹精為青牛多出遊人間玉精為

白虎金精為車馬銅精為僮奴鉛精為老婦 元中記

山中大樹能語者非樹語也其精名曰雲陽以其名呼之

則吉。山中夜見胡人者銅鐵精也。見秦人者百歲木精也。山水之間見吏者曰四微，以其名呼之則吉。山中寅日有稱虞吏者虎也，稱當路君者狼也，稱令長者狸也，卯日稱丈夫者兔也，稱東王父者麋也，稱西王母者鹿也，辰日稱雨師者龍也，稱河伯者魚也，稱無腸公者蟹也，巳日稱寡人者社中蛇也，稱時君者龜也，午日稱三公者馬也，稱人者老樹也，未日稱主人者羊也，稱吏者麀也，申日稱人君者猴也，稱九卿者猿也，酉日稱將軍者老雞也，稱賊捕者雉也，戌日稱人姓字者犬也，稱咸陽公者狐也，亥日稱神君者猪也，稱婦人者金玉也，子日稱社君者鼠也，稱神人者伏翼也，丑日稱書生者牛也，知其物則不能爲害。

開居雜錄卷下

卷

抱朴子

萬物之老者其精悉能假託形以惑人，唯不能於鏡中易形耳。是以古人入山道士皆以明鏡懸於背後，則老魅不敢近人。

抱朴子

真誥曰：學道山中宜養白雞、白犬，能辟邪靈。厥祕抄曰：端午日以猪頭血和雄黃收之，能制鬼。午日以雄黃塗狗口，鼻以樟烟熏之，此狗卽能制鬼。雷煥合獵犬見狐妖是也。圖纂云：五月戊辰日以猪頭祀竈埋石室，四隅則邪不入。積驗錄六畜相鬪，作人言皆熒惑，下降火鬼附託，宜北方。

作坎埋豕犬血惟雞鷺屬東方陽氣而雄雞尤雄故雞鬼
爲甚疾漢宣元時雌雞化雄永光中雞生角周玘雌雞逃
承雷七日而雄鳴劉象之家雞生三足皆謂雞禍少夫曰
老雞人言殺之則已黃昏鳴主有天恩非荒雞類也燒雄
雞入酒飲所求必得太清外術言畜盡家雞輒飛去崔實
月令云臘月東門磔白雞頭以合藥白澤云雞四距重翼
者龍也殺之遭震物理小識

山魘來必有風以老桑削成刀斫之卽死懸桑刀於門亦
避去 凡被狐祟者裁黃紙二方研硃砂一書右戶一書

右夜貼戶牖開狐卽逃去極驗右戶右夜神名也新齊書

閉居雜錄卷下

亥

凡狐迷男女吸人精如人用桐油搽陰處自去或用珠蘭
根搽之則獸自死卽將獸肉晒乾爲末服之更好

越水鄉多癩怪能惑人如魅以酒飲之則醉可治新齊書

書篋簾乙三字懸之可以辟疫鬼夷堅志

疫氣盛行書文昌玉清大洞仙經八字貼之門楣可保安

吉經驗 疫疾焚糞箕烟能却鬼新齊書

道書載有二鬼一曰語忘一曰敬遺能使人難產知其名

而書之紙則去極驗滎陽滄夏錄

凡縊死者其下必有麩炭日深一日速掘之則禍止聞見錄

凡見縊鬼以左手兩指寫一魄字指之入地彼一入不能

出矣 水死之鬼羊臊氣岸死之鬼紙灰氣皆須避之如

人在舟中聞羊臊氣則急寫一罇字可以遠害

新齊諧

僮屍挾人把握至緊雖兩手斷裂爪甲入人膚終不可脫

用棗核七個釘入屍脊背穴上手隨鬆出屢試屢效新死

屍挾人亦可以此法治之 又僮屍最怕鈴鐺聲

新齊諧

虎所至俵鬼爲之先驅輒壞獵人機械當以烏梅楊梅之

類布地蓋此鬼嗜酸而不顧虎虎乃可擒

新齊諧

虎俵必附物而行或貓兔雞鴨蛙雉皆能作汪汪聲聲慘

而長無轉音夜深人靜亦有能作人語者俵先虎二三里

視機伏處引而避之虎輒隨俵聲轉移制之之法聞俵卽

《閉居雜錄卷下

充

用釘釘樹上隨所值之第一株然後擊俵所附物則物斃

而俵亦聲絕矣

新齊諧

黃門令侂子逐疫鬼曰甲作食剋肺胃食虎雄伯食魅騰

箇食不祥攬諸食咎伯奇食夢強梁祖明共食磔死寄生

委隨食觀錯斷食巨窮奇騰根共食蠱

後漢書禮儀志

黃父漸耳食鬼之神也

雅

鬼火迫人奪人精氣以鞍兩輻相叩作聲火卽滅

感應類從志

鬼怪以黑氣障人腥穢觸鼻令人暈絕以鹽撒之卽退縮

入地因卽堆鹽其處明日皆作紅色其怪遂絕

新齊諧

或問鬼所惡答云最惡破竹聲

朕車志

正月未日夜然蘆苴火照井廁中則百鬼走荆楚歲時記

五月五日日內常稱游光厲鬼四字知其名則鬼遠避同上

宅後有槐榆鬼不敢近多能鄙事家中養鷺可避鬼須知人生

夜行用手掠髮則精邪不敢近常啄齒殺鬼邪攝生要錄又法夜

行中指書手心我是鬼三字握固任行不施

夜臥以所眠薦上抽草一莖長三寸許鬼魅不敢來魘人

感應類從志○又法臥時以鞋一仰一覆則永絕

夜行夜臥畏懼者當存想日月光入我明堂中百邪自散

人之餘氣為鬼氣久則漸消其不消者有三忠孝節義正

氣不消猛將勁卒剛氣不消鴻才碩學靈氣不消不遽消

閨居雜錄卷下

者三冤魂恨魂茹痛黃泉怨結則氣聚也大富大貴取多

用宏精壯則氣盛也兒女纏綿埋憂費恨情專則氣凝也

至於凶殘粹悍戾氣亦不遽消然墜泥犁者十之九又不

在此數中矣槐西雜志

有視鬼者云人家恒有鬼往來凡閨房媒狎必諸鬼聚觀

指點嬉笑但人不見耳鬼或見而引避者非他年烈婦即

孝婦賢婦也槐西雜志

凡有人處皆有鬼其橫亡厲鬼多年沈滯者率在幽房空

宅中是不可近近之則為害其憧憧往來之鬼午前陽盛

多在牆陰午後陰盛則四散遊行可以穿壁而過不由門

戶遇人則避路畏陽氣也是隨處有之不爲害其所聚恒在人烟密簇處僻地曠野所見殊喜圍繞厨竈似欲近食氣又喜入溷廁則莫明其故或取人跡罕到耶

潞陽銷夏錄

鬼之狀如人惟目直視衣紋則似片片挂身上而束之下垂與人稍殊質如烟霧望之依稀似人影側視之全體皆見正視之則似半身入牆中半身凸出其色或黑或蒼去人恒在一二丈外不敢逼近偶猝不及避則或瑟縮匿牆隅或隱入坎井人過乃徐徐出蓋燈昏月暗日暮雲陰往往遇之不爲訝也其或黑或蒼者殆由鬼有新故氣有厚薄斯色有濃淡歟

潞陽續錄

閒居雜錄卷下

三

鬼亦恒憧憧擾擾若有所營但不知所營何事亦有喜怒哀樂但不知其何由大抵鬼與鬼競亦如人與人競耳然微陰不足敵盛陽故莫不畏人其不畏者一由人據所居刺促不安故現變相驅之去一由祟人求祭享一由桀驁強魂戾氣未消如人世無賴橫行爲暴皆遇氣旺者避遇運蹇者乃敢侵或有冤魂厲魄得請於神報復以伸積恨者不在此數若夫慾心所感淫鬼應之殺心所感厲鬼應之憤心所感怨鬼應之則皆由其人之自召更不在此數矣

魏西雜志

辟邪丹治與鬼魅交通亦能辟瘟 虎頭骨二兩硃砂雄

黃雌黃鬼白蕪蕒仁鬼箭羽黎蘆各一兩共爲末蜜丸如
彈子大囊盛一丸繫右臂或當病人房內燒之邪不敢近
男子犯此則繫左臂

治鬼魅纏身一切疾痛字號 當劬寫紙上燒灰服

要見鬼者取生麻子石菖蒲鬼白等分爲末蜜丸彈子大
每朝向日服一丸服滿百日即見鬼

本草

二一學香苑



